



KAZ MINERALS PLC
6TH FLOOR
CARDINAL PLACE
100 VICTORIA STREET
LONDON SW1E 5JL
Tel: +44 (0) 20 7901 7800

2019 жылғы 14 маусым

ҚАЗАҚСТАННЫҢ ДАМУ БАНКІНЕН \$600 МЛН КӨЛЕМІНДЕГІ ЖАҢА НЕСИЕ ЖЕЛІСІ

KAZ Minerals Тобы «Қазақстанның даму банкі» АҚ (ҚДБ) тарапынан бөлінген көлемі \$600 млн болатын жаңа несие желісі жөніндегі келісімге қол қойылғаны туралы хабарлайды. Жаңа несие қазір құрылысы жүріп жатқан Ақтоғай КБК-нің кеңейту жобасын қаржыландыруға жұмсалады. Ақтоғай КБК-нің қайта өңдеу қуатын екі еселеуге арналған жобаны Директорлар кеңесі 2017 жылдың желтоқсан айында мақұлдады. Құрылыс 2021 жылдың соңында аяқталады деп жоспарланған.

Жоспарға сәйкес аталған қаражат 2019-2020 жылдары игеріледі. Ал несиенің мерзімі 15 жыл және ол 2034 жылы өтелуі тиіс. Қарыз бөліктеп төленетін болады: алғашқы төлем қарыз алғаннан үш жылдан кейін төленеді, одан кейін 2022 жылдың қараша айынан бастап әр жарты жыл сайын, мамыр және қараша айларында төленетін болады. Соңғы төлем 2034 жылы төленеді. Игерілуге арналған алғашқы қаражат 2019 жылдың үшінші тоқсанында келеді деп жоспарланған.

Несие желісі бойынша пайыздық мөлшерлеме – АҚШ долларымен есептегендегі LIBOR плюс 3,90% және KAZ Minerals-тың міндеттемелер жиынтығы мен активтер жиынтығына негізделген ҚДБ және Қытайдың мемлекеттік даму банкінен алған қолданыстағы несиелеріне сәйкес келетін қаржылық ковенант бар.

KAZ Minerals Тобының қаржылық директоры Джон Хэдфилд былай деп мәлімдеді: «ҚДБ-нің \$600 млн көлеміндегі жаңа несие желісі Ақтоғайдағы екінші кен байыту фабрикасының қаржыландырылуын қамтамасыз етеді. Қазір онда 2021 жылдан бастап мыс өндіру көлемін арттыру жолында құрылыстың айтарлықтай ілгерілеуі байқалып отыр. Ақтоғай II қолданыстағы кәсіпорынды кеңейтудің қауіп-қатері төмен жобасы. Ол қаржы айналымын ұлғайтып, Ресей Федерациясының Чукот автономиялы округінде орналасқан Баимская мыс жобасын игерудің берік «іргетасын» қалайды. KAZ Minerals саладағы жетекші жобалар портфелін қалыптастырды. Олар келесі онжылдықта, яғни мыс нарығы жеткізу тапшылығын сезінгенде өндіріс көлемін арттыруға мүмкіндік береді».

Қосымша ақпарат алу үшін келесі телефондар бойынша хабарласуға болады:

KAZ Minerals PLC

Анна Маллер	Қаржылық талдаушы, Инвесторлармен байланыс департаменті, Лондон	Tel: +44 20 7901 7814
Мақсұт Жапабаев	Корпоративтік байланыстар департаментінің басшысы, Алматы	Tel: +7 727 244 03 53
Алмас Садықов	Корпоративтік байланыстар департаментінің менеджері, Алматы	Tel: +7 727 244 03 53

РЕДАКТОРЛАРҒА АРНАЛҒАН АҚПАРАТ

KAZ Minerals – Қазақстанда, Қырғызстанда және Ресейде заманауи, ірі ауқымды, азшығынды карьерлік типтегі тау-кен өндірісін дамытуға бағытталған, өсу әлеуеті зор мыс өндіруші компания. Компания операциялық іс-қызметін Павлодар облысындағы Бозшакөл және ШҚО орналасқан Ақтоғай ашық кеніштерде, сонымен қатар Шығыс Қазақстанда орналасқан үш кеніш пен үш кен байыту фабрикасында және Қырғызстандағы Бозымшақ мыс-алтын кенішінде жүргізеді. 2018 жылы мыстың жалпы өндіріс көлемі 295 мың тоннаны құрады, ілеспе өнім ретінде 50 мың тонна концентраттағы мырыш, 183 мың унция алтын мен 3,511 млн. унция күміс өндірілді.

Топтың жаңа өндірістік кәсіпорындары – Бозшакөл мен Ақтоғай – саладағы ең қарқынды даму көрсеткіштерін қамтамасыз етіп, KAZ Minerals-ты қорының басым бөлігі әлемдік деңгейдегі ашық түрдегі кеніштерден тұратын компанияға айналдырды.

Операциялық шығындары бойынша Бозшакөл халықаралық мыс өндіруші кәсіпорындар арасында бірінші кварталға кіреді. Оның кен өңдеу қуаты жылына 30 млн тонна кенді құрайды. Кенішті пайдаланудың қалған мерзімі – 38 жыл. Кендегі мыс құрамы 0,37%. Карьер мен кен байыту фабрикалары өндірісті 2016 жылы бастады. Өндіріс көлемі – алғашқы 10 жылда жыл сайын 100 мың тонна катод эквивалентіндегі мысты және 120 мың унция концентраттағы алтынды құрайды.

Ақтоғай – карьер типтес ірі ауқымды кеніш. Ол Бозшакөлге ұқсас. Кенішті пайдаланудың қалған мерзімі (өндірісті кеңейтуді қоса есептегенде) - 27 жыл. Кендегі мыс мөлшері 0,37% (оксидті кен) және 0,33% (сульфидті кен). Ақтоғайда оксидті кеннен катодты мысты өндіру 2015 жылдың желтоқсан айында, ал сульфидті кеннен мыс концентратын өндіру 2017 жылдың ақпан айында басталды. Сульфидті кенді қайта өңдейтін бірінші кен байыту фабрикасының жылдық қуаты - 25 млн тонна. Сульфидті кенді өңдеу көлемі екінші кен байыту фабрикасы 2021 жылдың соңына дейін өндірісті бастағанда 50 млн тоннаға дейін жетеді. Ақтоғай кен орынының операциялық шығындары халықаралық мыс өндіруші кәсіпорындарының арасында бәсекеге қабілетті болып табылады. Жылдық өндіріс көлемі – 2021 жылға дейін орта есеппен сульфидті кеннен өндірілетін 90 мың тонна мысты құрайды. Екінші кен байыту фабрикасы өндірісті бастағаннан кейін 2022-2027 жылдар аралығында сульфидті кеннен жыл сайын шамамен 170 мың тонна мыс өндірілетін болады. Оксидті кеннен 2025 жылға дейін жыл сайын шамамен 20 мың тонна мыс өндіріледі.

2019 жылдың қаңтар айында Топ Ресей Федерациясы (РФ) Чукот автономиялы округіндегі Баимская мыс жобасын сатып алды. Баимская – ашық типтегі кеніш негізінде мыс өндіретін төмен шығынды әрі ауқымды тау-кен кешенін құру әлеуеті бар әлемдегі игерілмеген ірі мыс алаңдарының бірі. Баимская лицензиялы алаңының аумағында орналасқан Песчанка кен орынының ресурстары JORC кодексіне сәйкес бағаланып, 9,5 млн тонна мыс, кендегі мыстың мөлшері 0,43% және кендегі алтынның мөлшері 0,23 г/т болатын 16,5 млн унция алтынды құрайды. Іске қосылғаннан кейін жоба алғашқы он жылдағы күтіліп отырған жылдық орташа көрсеткіштер - шамамен 250 мың тонна мыс және 400 мың унция алтын немесе мыс эквивалентімен есептесек, 330 мың тонна болмақ. Кеніштің пайдалану мерзімі 25 жылды құрайды және таза ақшалай өзіндік құны жаһандық шығындар қисығының бірінші кварталында орналасқан. Жоба РФ-ның үкіметі экономикалық даму үшін стратегиялық маңызды деп анықтаған өңірде орналасқан. Мемлекет көліктік және энергетикалық инфрақұрылымды дамытып, салықтық жеңілдіктер беретіндіктен жоба артықшылыққа ие болады. Кенішті игерудің күрделі шығындары \$5,5 млрд деп бағаланды. Топ талдаушылардың консенсус-бағасы мен тартымды ішкі табыс нормасы (IRR) аясындағы таза келтірінді құнның (NPV) айтарлықтай өсімін күтіп отыр. Баимская мыс жобасын іске асыру Топқа жоғары өсімін жалғастыруға мүмкіндік беріп, Топтың портфеліне ірі ауқымды, ұзақ мерзімді активті қосады.

KAZ Minerals PLC компаниясының құнды қағаздары Лондон және Қазақстан қор биржаларында айналымда. KAZ Minerals-та шамамен 14 000 адам жұмыс істейді, олардың басым бөлігі Қазақстан азаматтары.

«Қазақстанның даму банкі» АҚ («ҚДБ») 2001 жылы Қазақстан экономикасының шикізаттық емес және инфрақұрылымдық секторларын жаңғырту мен дамытуға инвестиция салу үшін құрылған. Ол өндірістік инфрақұрылым мен өңдеу өнеркәсібіне ден қояды. ҚДБ – Қазақстанда өнеркәсіптік даму мен инновацияларға жауапты «Бәйтерек» ұлттық басқару холдингі» АҚ-ның еншілес компаниясы.

Бұл баспасөз-хабарламасында ішкі ақпарат бар.